





資治通鑑綱目續編卷之二十六

附元

孝恭皇帝名顯度宗

如權臣專政。主少國危。外有強敵。雖使伊尹周公輔之。尚或不克。濟况妬賢嫉能。不學無術之一。賈似道乎。其

亡國也。哀哉。在位二年

元將伯顏入臨安。執之北狩。

乙亥 德祐元年元至元世祖皇帝春正月。詔

求直言。○陳奕以元人之師徇蘄州。知

陳奕引元兵徇城

溫德堂

呂師夔
以江州
降元

州管景模以城降之。時伯顏阿木順流東下。呂文煥為鄉導。沿江諸將皆呂氏舊部曲。故望風降附。○葬永紹陵。○陳奕誘其子巖。以安東州降元。元以巖為淮東宣撫使。招諭屬郡。○以陳宜中同知樞密院事。○賈似道以呂師夔參贊都督府軍事。任中流調遣。師夔及錢真孫。以江州降于元。元以師夔知江州。四明陳氏桎曰。九江既降。江東西兩

路不可守矣。講義記宋太祖以乙亥年命曹翰取江州。後三百年乙亥而失之。豈非數歟。

元劉整
死

元劉整死于無為軍。整受伯顏命。帥騎兵攻無為軍。久而不克。聞呂文煥舟師東下。所至迎降。耻首謀而功不及。失聲曰。首帥誑我。使我功後于人。善作者不必善成。果然。遂發憤死。○知安慶府范文虎遣人請降于江州。○賈似道帥師

似道上
表出師

次于蕪湖。似道畏劉整不敢發。及聞整死，喜曰：「吾得天助也。」乃上表出師。其略曰：自襄樊被兵，臣五六十年間，行邊之請，不知幾疏。先帝不之許，襄陷郢單，憂心孔疚。請又不知其幾疏。先帝復不之許。迨罹家棘，詔使奪情。臣辭不知其幾。陛下踐祚以來，邊境日駭。臣請愈力，正以江流貫非，臣皆視其間。是必不能遏其偷渡者。今不幸言之中矣。向使先帝及其兩宮之下，至公卿大夫士，早以臣言為信，聽臣之出，當不使飄忽震蕩若此。今尚可以留耶？時似道專權，行止自解，抽諸路精兵由矣。歸咎于上下，以自解抽諸路精兵，凡十三萬人以行。金帛輜重之舟，舳艫

似道師
次蕪湖

相銜百有餘里。戊子，似道發臨安，命宰執小事專決，大事則關白于督府，不得擅行。又以所親信韓震為殿帥，總禁兵。至吉安州，似道所乘舟膠于堰中。劉師勇以千人入水拽之，不能動。乃易他舟而去。遂留新安池口，以進。次于蕪湖，遣人通呂師夔以議和。○元人入安慶府，通判夏椅死之。○以汪立信為沿江招討大使，立信帥

汪信立
師次高郵

師次于高郵。初襄陽既失信自江陵上疏請益安陸府兵。凡邊戍皆不宜抽減。復移書賈似道曰。今日天下之勢。十去八九。誠上下交修。以迓續天命之幾。重惜分陰。以趨事赴功之日也。而君臣宴安。不以為虞。酣歌深宮。嘯傲湖山。玩歲愒日。去列反。息也。又丘蓋反。貪也。急也。日。緩急倒施。以求當天心。俯遂民物。拱揖指揮。而折衝萬里者。不亦難

立信移
書似道
三策

乎。為今日之計者。有三。內郡何事乎。多兵。宜盡出之江干。以實外禦。筭兵帳。見兵可七十餘萬人。老弱柔脆。七分汰二。為選兵五十餘萬人。而沿江之守。則不過七千里。若距百里而屯。屯有守將。十屯為府。府有總督。其尤要害處。輒參倍其兵。無事則泛舟長淮。往來遊徼。音叫。境也。以木石。徼有事則東西齊奮。戰守並用。刁斗相聞。餽餉不絕。

互相應援以為聯絡之勢。因選宗室親王。忠良有幹用大臣。立為統制。分東西二府以涖。任得其人。率然之勢。此上策也。又拘聘使。無益于我。徒使敵得以為辭。請禮而歸之。許輸歲幣以緩師期。不三二年。邊遽稍休。藩垣稍固。生兵日增。可戰可守。此中策也。二策果不得行。則天敗我矣。若銜璧輿觀之禮。則請備以俟。似道得書。抵之于地曰。瞎賊狂言敢

爾。乃中以危法廢之。及將出師。乃召立信為招討。俾就建康府庫募兵以援江上諸郡。立信受詔即日上道。以妻子託其愛將金明。執其手曰。我不負國家。爾必不負我。遂行。與似道遇于蕪湖。似道拊立信背曰。不信公言以至于此。立信曰。平章平章。瞎賊今日更說一句不得。似道問立信何向。曰。今江南無一寸乾淨地。某去尋一片趙家地上死。要死得

生為宋
臣死為
宋鬼

賈似道
求和稱
臣于元
不許

分明耳。既至建康。守兵悉潰。而四面皆元兵。立信知事不可成。歎曰。吾生為宋臣。死為宋鬼。終為國一死。但徒死無益耳。以此負國。率所部數千人至高郵。欲控引淮漢。以為後圖。○二月。賈似道自蕪湖遣還元俘魯安撫。以荔子黃柑遺伯顏。復遣宋京如元師。請稱臣奉歲幣。如開慶約。伯顏不許。阿朮謂伯顏曰。宋人無信。惟當進兵。若避似道。不擊。恐已

趙昴發
死節

降州郡。今夏難守。若實欲和。俟似道自來。伯顏乃令千戶囊加反。與宋京俱來。答書喻君臣相率納土。即當奏聞。似道不答。遣囊加反還之。○以黃萬石為江南西路制置使。○夏貴帥師會賈似道于蕪湖。遂同次于魯港。○元人陷池州。權守趙昴發死之。都統張林以城降。先是池州守臣王起宗聞元人渡江。即棄官。通判趙昴發攝州事。昴發繕音善也。壁

聚糧為固守計。及元人遊騎至李王河。都統張林諷昂發迎降。昂發忿氣填膺。瞠丑庚反。又丑。目視也。目視林。林不敢復言。已而林帥兵巡江陰。遣人納款。而陽助昂發守城。守兵之權皆歸于林。昂發知事不濟。乃置酒會親友與訣。謂妻雍氏曰。城將破。吾守臣不當去。汝先出走。雍曰。君為命官。我為命婦。若為忠臣。我獨不能為忠臣婦乎。昂發笑曰。此豈婦人女

夫婦節
義成雙

子所能也。雍曰。吾請先君死。昂發笑止之。明日乃散其家貲與弟姪僕婢悉遣之。及元師薄城。昂發晨起書几上曰。國不可背。城不可降。夫婦同死。節義成雙。又為詩別其兄弟。遣子淳翁出廨。遂與雍氏盛服同縊死於從容堂。昂發始為此堂。名可以從容。及兵遽。領客堂中。指所扁曰。吾必死於是。客問其故。昂發曰。古所謂慷慨殺身易。從容就死難。此殆

賈似道
敗績奔
揚州

其兆也。昂發死。林開門降。伯顏入城。問
太守安在。左右以死對。深歎惜之。命具
棺衾合葬。祭其墓而去。○孫虎臣及元
人戰于丁家洲。敗績。賈似道奔還揚州。
諸軍大潰。時夏貴自合肥會似道于蕪
湖。袖出一編書示似道曰。宋歷三百二
十年。似道俛首而已。時虎臣帥精銳七
萬餘人。次于池州下流之丁家洲。似道
與夏貴以五萬人軍于魯港。音講。水伯
分流也。

諸將無
闕志

顏令軍中作大棧。房越反。大棧也。數十採薪芻
置其上。陽言欲焚其舟。似道信之。少懈。
乃分兵屯于南北兩岸。令阿朮與虎臣
對陣。立砲具。設划。音華。撥進船也。車中流數千
艘。乘風直進。勢不可敵。夏貴以戰艦二
千五百橫亘江中。似道將後軍為殿。丁練
反。軍前曰啓。軍後曰殿。反。奔而為殿。最難。夏貴既嘗失利于
鄂。恐督府功成。又忌孫虎臣新進。雖列
陣向敵。然殊無闕志。及元兵薄宋軍。虎

臣軍動爭趨元兵。元戰舟急進。阿朮挺身登艦。雷鼓大震。遣人掠宋舟。大呼曰。宋軍敗矣。通州副都統姜才為先鋒。方接戰。虎臣遽過其妾所乘舟。衆見之。謹曰。步帥遁矣。於是宋帥大亂。舳艫簸蕩。乍分乍合。阿朮麾將校橫擊。宋師大敗。即回棹前走。伯顏以步騎夾岸擣之。殺溺死者不可勝數。軍資器械盡為元人所獲。似道倉惶召夏貴計事。頃之。虎臣

十三萬
兵皆潰
散

至。撫膺哭曰。吾兵無一人用命。貴微笑曰。吾嘗血戰當之矣。似道曰。計將安出。貴曰。諸軍已膽落。吾何以戰。師相惟有入揚州招潰兵。迎駕海上。吾當以死守淮西耳。言畢。貴即解舟去。夜將四鼓。似道擊鑼退師。駐于珠金沙。諸軍皆潰散。似道與虎臣單舸奔還揚州。堂吏翁應龍以都督府印奔還臨安。明日潰兵蔽江而下。似道使人登岸揚旗招之。莫有

元帥東下

應者。或肆惡語慢罵之。似道乃檄列郡如海上迎駕。已而姜才收兵至揚州。師乘勝東下矣。

呂氏中曰嗚呼。似道不學無術。生平

詭曰知兵。襄陽受圍。屢請出督。而陰

又啖音叟。使犬聲。又去聲。臺臣留之。實無意於

出也。元人渡江。勢不容已。聞劉整死。

勉強一出。掃境內以屬將軍。不知平

日妬功嫉能。將士之心。久已解體。迂

似道妬功嫉能

道京口。汧流二十日。始至蕪湖。則舒

池降矣。軍於魯港音講。水流處。舳舻亘百

餘里。方伏宋京乞和請盟。舉措如此。

似道固已魄落膽喪矣。是夜三鼓。鳴

鑼一聲。十三萬兵須臾而散。竄身維

揚。雖寸斬何救於國事。迹其所為。政

可與唐之楊國忠等耳。故曰誤宋事

者。似道也。秉史筆者。不可不誅姦諛

之人於既死云

唐震江
節 萬里死

元人徇饒州。知州唐震故相江萬里死之。通判萬道同以城降。初萬里聞襄樊破。鑿池芝山後圃。扁其亭曰止水。人莫喻其意。及城欲破。萬里執門人陳偉器手曰。大勢不可為。余雖不在位。當與國為存亡。遂赴止水死。左右及子鎬相繼投沼中。積屍如疊。翌日萬里屍獨浮水上。從者斂葬之。贈太師益國公。謚文忠。○松江制置大使趙潛棄建康而逃。建

似道請
遷都

康既無主帥。則江東不可為矣。○知鎮江府吳益。知江陰軍鄭孺。皆棄城而逃。○知和州王喜。知太平州孟之縉。知無為軍劉權。皆以城降于元。○元人徇臨江。知軍鮑廉死之。○賈似道自揚州上表請遷都。詔群臣議之。王爌去位。似道請遷都。以避元師。太皇太后不許。殿帥韓震復以為請。詔下公卿雜議。王爌以已不待與大計。上疏乞罷政。已而宗學生上

張世傑
帥兵入
衛

言陛下移蹕。不於慶元。則於平江。事勢
危急。則航海幸閩。我能往。彼亦能往。徒
驚擾而無益。乃止。○鄂州都統張世傑
帥師入衛。遂復饒州。時方危急。徵諸將
勤王多不至。獨世傑來。上下歎異。○江
西提刑知贛州文天祥起兵入衛。天下
勤王詔至贛。天祥捧之涕泣。使陳繼周
發郡中豪傑。并結溪洞山蠻。使方興召
吉州兵。諸豪傑皆應。有衆萬人。遂入衛。

文天祥
帥師勤
王以身
徇天下

其友止之曰。今敵兵三道鼓行。破郊畿。
薄內地。君以烏合萬餘赴之。何異驅群
羊而搏猛虎。天祥曰。吾亦知其然也。第
國家養育臣庶三百餘年。一旦有急。徵
天下兵。無一人一騎赴者。吾深恨之。故
不自量。欲以身徇。庶天下忠臣義士。將
有聞風而起者。義勝者謀立。人衆者功
濟。如此。則社稷猶可保也。天祥性豪華
平生自奉甚厚。聲伎滿前。至是痛自抑

李芾入
衛

詔免賈
似道

損盡以家貲為軍費。每與賓客僚佐語及時事。輒流涕。撫几言曰。樂人之樂者。憂人之憂。食人之食者。死人之事。聞者莫不為之感動。○以謝堂為兩浙鎮撫使。○湖南提刑李芾遣兵入衛。○以陳宜中知樞密院事。曾淵子同知院事。文及翁簽書院事。倪普同簽書院事。○召王爚為江東浙西宣撫。招撫大使。置司臨安。以備咨訪。○遣元行人郝經還。經至燕。

卒。○賈似道有罪。免。陳宜中初附似道。得驟登政府。及翁應龍自軍中還。宜中問似道所在。應龍以不知荅之。宜中意其已死。即上疏乞誅似道。以正誤國之罪。太皇太后曰。似道勤勞三朝。安忍以一朝之罪。失待大臣之禮。詔授似道醴泉觀使。○章鑑逃歸。召還免之。○松江招討大使汪立信卒于高郵。立信聞似道師潰。歎曰。吾今日猶得死于宋土也。乃

汪立信
卒

置酒召賓僚與訣。手自為表起居三宮。與從子書屬以家事。夜分起步庭中。慷慨悲歌。握拳撫膺者三。以是失聲三日。扼吭。上音厄。捉也。持也。下音浪。反。咽也。而卒。後伯顏入建康。金明以其家人免。或以立信二策及死告于伯顏。請戮其妻子。伯顏歎息久之。曰。宋有是人。使果用之。我安得至此。命求其家厚卹之。曰忠臣之家也。○三月。陳宜中殺殿前都指揮使韓震。時

伯顏入建康

震總禁兵。或言震謀劫帝遷都。宜中乃召震計事。伏壯士袖鐵椎擊殺之。震部曲百餘人大闕而出。射火箭入宮。斫嘉會門。宜中遣兵逐之。遂奔建康。○元伯顏入建康府。建康都統徐旺榮開城迎納之。時江東大疫。居民乏食。伯顏開倉賑之。且遣醫治疾。民大悅。會元主有詔以時方暑。不利行師。俟秋再舉。伯顏不可。上言曰。百年逋敵。已扼其吭。風馳電

擊取之恐後。少爾遲回。奔播海島。遺患留悔矣。元主謂使者曰。此事朕不從中制也。○元人入無錫。知縣阮應得死之。○詔諭呂文煥。陳弈。范文虎。使通好議息兵。○以王爚。陳宜中為左右丞相。並都督諸路軍馬。○治賈似道黨與。配翁應龍于吉陽軍。免廖瑩中。王庭。劉良貴。游汶。朱浚。陳伯大。董樸等官。從侍御史陳過。監察御史潘文卿。李可之請也。○

治似道黨

張世傑
總督府

元人入常州。守臣趙汝鑒出奔。軫轄戴之泰。同士人王良臣以城降之。○知平江府。潛說友以城降于元。○知廣德軍。令狐槩以城降于元。○詔張世傑總都督府諸軍。世傑遣閻順。李存進軍廣德。謝洪永進軍平江。李山進軍常州。○召五郡鎮撫呂文福入衛。文福殺使者。叛入于江州。文福。文煥兄也。○曾淵子。文及翁。倪普。及侍從臺諫。棄位逃去者數

朝臣逃

十人

執政曾淵子。文翁倪普。左司諫潘文卿。左正言季可。兩浙轉運副使

許自。浙東安撫王霖龍。侍從陳堅。何夢桂。曾晞顏等太皇太后聞

之。詔戒云。我朝三百餘年待士大夫以

禮。吾與嗣君遭家多難。爾小大臣未嘗有

出一言以救國者。吾何負於汝哉。今內

而庶僚畔官離次。外而守令委印棄城。

耳目之司。既不能為吾糾擊。二三執政又

不能倡率群工。方且表裏合謀。接踵宵

遁。平日讀聖賢書。自諉女。志反。累也。亦以言推託也。賈

詔戒朝臣逃遁

誼云。尚謂何。乃於此時作此舉措。或偷

生田里。何面目對人言語。他日死亦何

以見先帝。天命未改。國法尚在其負國

棄予者。令御史臺覺察以聞。然不能禁

○元使廉希賢來。至獨松關。守將張濡

殺其副使嚴忠範。執希賢歸于臨安。希

賢病創死。○元阿里海涯侵岳州。安撫

使高世傑戰敗降之。阿里海涯斬之以

徇。○岳州總制孟之紹以城降于元○

殺元人使

以陳合同簽書樞密院事。閻順復廣德軍。○元伯顏使張羽來。至平江。殺之。伯顏在建康。朝廷使人從間道往通好。言殺信使。乃邊將。非上意也。當斬首以謝罪。願罷兵。毋東向。伯顏曰。宋人譎詐。來視我虛實。當因而用之。乃遣羽來。○夏四月。元人入廣德縣。知縣王汝翼死之。○元克沙市城。都統孟玘監鎮。司馬夢求死之。夢求。司馬光五世孫。○元阿

司馬夢
求死節

里海涯。侵江陵。宣撫使朱禩孫制置使高達以城降。阿里海涯入城。禩孫遂招京湖北路郡縣。於是歸峽。郢復。鼎。澧。辰。沅。靖。常德。荆門諸郡相繼降。阿里海涯承制。並命復守其土。禩孫至上都死。先是江陵捷聞。元主喜。謂近臣曰。伯顏東下。阿里海涯孤軍守鄂。朕常憂之。恐荆蜀連兵。順流而東。人心未牢。必翻城內應。根本斯蹙。孰謂小北庭人。能覆全荆。

朱禩孫
招荆降
元

阿里海涯衛兀江浙聞之。肝膽落矣。吾人。故云北庭

東兵今無虞也。○以福王與芮判紹興

府。○以高斯得簽書樞密院事。○召夏

貴為樞密副使。帥所部兵入衛。貴不至

○**元**阿朮侵真州。知州苗再成戰于大

鶴嘴。敗績。○**元**阿朮侵揚州。姜才戰于

揚子橋。敗績。○五月**元**人入寧國縣。知

縣趙與塘死之。○劉師勇復常州。錢嘗

出奔。知州姚訐入居之。○贈婺州處士

姜才敗績

贈處士王栢

王栢承事郎。栢大父師愈。受易論語于

楊時龜山先生而與朱熹張栻呂祖謙為友。

父瀚世其學。與諸兄弟游于朱呂之門。

栢少慕諸葛亮之為人。自號長嘯。年三

十始知家學之原。捐去俗學。勇於求道。

著論語通旨。至居處恭。執事敬。惕然嘆

曰。長嘯非聖門持敬之道。亟以魯齊更

之。而從朱熹門人遊。或語以何基嘗從

黃幹得熹之傳。即往受業。而得立志居

王栢魯齊動默可師

賜何文
定謚

敬之旨。由是以質實堅苦自勵。於朱熹之所著述。致力以求其極。律身以敬。治家以嚴。動默皆可師也。至是賜基謚文定。而贈栢承事郎。以張珏為四川制置副使。知重慶府。籍呂文煥。孟之縉。陳弈。范文虎家。人圍潭州。詔張世傑。張彥。阮克已。仇子真。四道出兵以禦。人。伯顏朝于上都。以阿剌罕權省事于建康。伯顏赴召計事也。六

詔張世
傑出師

月庚子朔。日有食之。既晝晦如夜。成都安撫使咎萬壽。以嘉定及三龜九頂紫雲城降于。翁應龍伏誅。以王爌平章軍國重事。一月兩赴經筵。五日一朝。陳宜中留夢炎為左右丞相。並兼樞密使。都督諸路軍馬。加淮東制置使李庭芝知樞密院事。秋七月。張世傑及阿朮戰于焦山。世傑敗績。奔圍音山。時世傑與劉師勇。孫虎臣等。大出

張世傑
敗績奔
圖山

舟師萬餘艘次于焦山。令以十舟為方碇江中流。非有號令毋得發碇。示以必死。元阿朮至。登石公山。草而望之。曰。可燒而走也。遂選健卒善數者千人。載以巨艦。分兩翼夾射。阿朮居中。合勢進戰。以火矢攻之。蓬檣俱焚。煙燄蔽江。宋師大亂。無敢發碇。赴江死者萬數。元張弘範。董文炳。復以銳卒橫衝宋師。於是世傑不復能軍。奔圖山。阿朮。弘範追之。獲

貶似道
於建寧

白鷓子七百餘艘。師勇還常州。虎臣還真州。世傑請濟師。不報。自是淮東莫敢復戰矣。○放賈似道于建寧府。安置其黨廖瑩中。王庭于嶺南。初似道既免。三學生及臺諫侍從。皆上疏乞誅似道。高斯得亦以為言。太皇太后不許。及似道上疏自劾。且言為夏貴。孫虎臣所誤。乞保餘生。有旨令李庭芝。津遣歸越。以終喪制。似道留揚不還。王爚復論似道既

論似道
不忠不
孝

不死忠。又不成孝。乞下詔切責。太后乃下詔曰。卿其亟歸喪次。以盡臣子之道。則當曲示保全。否則衆論益甚。忠孝靡容。吾雖欲屈法伸恩而不可得。似道乃還紹興府。紹興守臣閉城不納。王爌復言。太皇太后乃降似道三官。婺州居住。婺人聞似道至。率衆為露布逐之。於是詔徙于建寧。○詔賈似道循州安置。至漳州。監押官鄭虎臣誅之。先是御史孫

賤似道
循州安
置

嶸叟等皆以似道罪重罰輕。乞斬之。以正法。方回復上疏論似道僥詐貪淫。褊驕吝專。忍謬十罪。太皇太后猶不聽。翁合上言。似道以妬賢無比之林甫。輒自託於伊周。以不學無術之霍光。敢效尤於莽操。其總權罔上。賣國召兵。專利虐民。滔天之罪。人人能言。臺諫交章。乞行遠竄。迫於衆怒。僅謫建寧。竊惟建寧實朱熹講道之闕里。雖三尺童子。亦知向

家籍似道

方聞似道名咸欲嘔唾况見其面乎如
熹釋大學一章曰放惡不遠彼且稔惡
所放之地其民何罪必以禦魑魅而後
已夫與之同中國且不可而可一日與
之同此鄉乎乞遠投荒昧以禦魑魅而
伸國法遂詔責授高州團練副使下臨
安台州簿錄其家福王與芮素怨似道
聞制下募有能殺之者使送之貶所會
稽縣尉鄭虎臣以父嘗為似道所配欣

鄭虎臣
窘辱似
道

然請行福王遣為監押似道時寓建寧
之開元寺侍妾尚數十人虎臣至悉屏
去奪其寶玉撤轎蓋暴行秋日中令昇
轎夫唱杭州歌譴之每名斥似道窘辱
備至一日入古寺壁上有吳潛南行所
題字虎臣呼似道曰賈團練吳丞相何
以至此似道慙不能對舟次南劍黯淡
灘虎臣曰水清甚何不死於此似道曰
太皇許我以不死候有詔即死至泉州

洛陽橋。遇葉李自漳州放還。見于客邸。

李賦詞贈之。詞云。余歸路。君來路。天理

何如。生子細思量。真自誤。雷州戶。崖州戶。聊

贈一。長短。句。似道俯首謝焉。十月。至漳州木

賈似道
伏誅

綿庵。虎臣諷令自殺。似道不從。虎臣曰。

吾為天下殺似道。雖死何憾。遂拘似道

之子於別室。即廁上拉似道。曾殺之。殯

於菴側。及陳宜中至福州。捕虎臣于獄

殺之。

呂氏中曰。賈似道當國十五年。殺三

大臣。行公田。困浙右百姓。吝軍賞。失

將士心。背和約。挑釁敵國。禍宗廟。社

稷。其罪可勝誅哉。人有恒言。姦

臣富貴。則自取之。留禍患。以遺君

父。然蔡京秦檜似道之敗。身死家

僂。前後一轍。後之謀人國者。亦可

以鑒矣。

陳宜中
逃去

陳宜中棄位逃歸。詔罷王燾為醴泉觀使。

召宜中于温州以二人不協故也。燾是歲卒。○元人圍重慶府。張珣固守之。○元以伯顏為中書右丞相。阿朮為左丞相。伯顏馳驛朝于上都。面陳形勢。乞即進師。元主許之。拜右相。伯顏辭曰。阿朮功多。臣宜居後。乃進阿朮左相。大賚將校。伯顏遂復南征。○以夏貴為樞密副使。兩淮宣撫大使。知揚州。朱煥為淮西制置副使。知廬州。召李庭芝還朝。貴不奉

夏貴不奉詔

詔。煥還揚州。庭芝遂不行。○以陳文龍同簽書樞密院事。○八月。以李芾音弗佛知潭州。○以文天祥為浙西江東制置使。知平江府。初天祥至臨安。上疏言本朝懲五季之亂。削藩鎮。建都邑。一時雖足以矯尾大之弊。然國以浸弱。故敵至一州。則一州破。至一縣。則一縣破。中原陸沈。痛悔何及。今宜分境內為四鎮。建都統御於其中。以廣西益湖廣而建

文天祥上疏却敵

閩於長沙。以廣東益江西。而建閩於隆興。以福建益江東。而建閩於番禺。以淮西益淮東。而建閩於揚州。責長沙取鄂。隆興取蘄黃。番禺取江東。揚州取兩淮。地大力衆。乃足以抗敵。約日齊奮。有進無退。日夜以圖之。彼備多力分。疲于奔命。而吾民之豪傑者。又伺間出於其中。如此則敵不難却也。時議以為迂闊。不報。故有是命。○元以廉希憲行中書省。

元行省
于江陵

于江陵。阿里海涯以江陵地圖上請曰。荊州西距梁益。南控交廣。據江淮上流。誠為要地。非朝廷重臣。開大府以鎮之。未足以綏新附。來遠人。元主即命希憲。且承制拜三品以下官。希憲至江陵。錄用舊官。大興學校。民情大安。由是思播田楊二氏。重慶趙氏。寶慶武岡。益陽安化。善化。寧鄉州縣皆降。○九月元取秦州。知州孫虎臣死之。○元伯顏侵淮安。

孫虎臣
死之

張世傑
總出戍
兵

墮南郭。宋師大潰趨城。元兵追之。平
淮安南堡。○冬十月。詔張世傑劉師
勇總統出戍兵。○以留夢炎陳宜中
為左右丞相。並兼樞密使。都督諸路
軍馬。先是宜中在溫州。以親老力辭。太
后乃自為書遺其母楊氏。使諭之。宜
中乃赴召。○元阿里海涯圍潭州。先是
李芾至潭。元游騎已入湘陰益陽諸縣。
城中守卒不滿三千。芾結峒蠻為援。繕

元人濟
江

元伯顏
三道侵
江南

器械。峙芻糧。柵江修壁。及元兵至。芾悉
力守禦。○元阿朮圍揚州。日久而無成
功。乃築長圍困之。城中食盡。死者枕籍
滿道。而李庭芝之志益堅。會伯顏至灣
頭。遂議深入。○元伯顏濟江。次于鎮江
府。遂分兵東下。時伯顏次揚州灣頭。參
政阿答罕自建康來會。伯顏令還建康
起兵。乃分軍為三道。令會臨安。於是阿
剌罕帥右軍自建康出廣德四安鎮趨獨

松關董文炳帥左軍出江入海。以范文虎為鄉導，取道江陰，趨溱浦華亭。伯顏及左丞阿荅海將中軍，以呂文煥為鄉導，趨常州。而阿朮專主淮東事，兵鋒所至，莫敢當之。○陳合免，坐匿廖瑩中家，貲故也。○文天祥使張全、尹玉、麻士龍帥師救常州。玉戰于五牧，士龍戰于虞橋，皆死之。張全遁。○十一月，以陳文龍同知樞密院事，黃鏞同簽書樞密院事。

召文天祥入衛

○元入廣德軍，四安鎮將陳明死之。○召文天祥入衛，於是平江無固志矣。○元阿里海涯入隆興府，制置使黃萬石自撫州奔建昌。○元人克常州，屠其民。知州姚訔、通判陳炤、統制王安節皆死之。劉師勇奔還平江，時伯顏會兵圍城，訔師勇安節力戰固守，伯顏遣人招之，譬喻百端，終不聽。伯顏怒，命降人王良臣役城外居民運土為壘，併人以築之。

常州守將死節

且殺民煎膏取油以作砲。焚其牌。杖。日夜攻不息。城中甚急。而嘗師勇。安節守志益堅。伯顏乃叱帳前諸軍。奮勇爭先。四面並進。乙酉。城破。嘗死之。陳炤猶巷戰。亦死。伯顏命屠其民。存者三五人而已。執王安節至軍前。不屈。亦死。師勇以八騎突圍走平江。嘗希得子也。安節王堅子也。○以謝枋得為江西招諭使。知信州。○追封濟王。竑為鎮王。謚昭肅。從

謝枋得知信州

文天祥與張世傑議戰

中書舍人王應麟之請也。○元阿剌罕克獨松關守將張濡逃歸。馮驥死之。獨松既破。鄰邑望風皆遁。朝廷大懼。時勤王之師尚三四十萬人。文天祥與張世傑議以為淮東堅壁。閩廣全城。若與敵血戰。萬一得捷。則令淮師以截其後。國事猶可為也。世傑大喜。陳宜中白太后降詔以王師務宜持重。議遂止。秘書監陳著上疏乞從天祥之議。與其坐以待

陳著王
文天祥
議見出
于台

困曷若背城一戰萬一有幸則人心奮
勇且敵師非必真能智力不過乘勝長
驅耳若少沮之則主兵之與懸軍其壯
弱即異矣宜中不聽出著知台州○平
江府通判王矩之都統制王邦傑以城
降于常州○留夢炎棄位而逃○十二
月以吳堅簽書樞密院事○柳岳如元
請平伯顏不許陳宜中遣岳奉書如軍
前稱廉尚書之死乃盜殺之非朝廷意

遣陸秀
夫請和

乞班師脩好岳見伯顏于無錫泣請伯
顏曰汝國執戮我行人故我興師錢氏
納土李氏出降皆汝國之法也汝國昔
得天下於小兒亦失於小兒其道如此
尚何多言○以陳文龍參知政事謝堂
同知樞密院事○追封呂文德為和義
郡王以呂文煥為元人鄉導故也而以
文德子師孟為兵部侍郎音冀希望也欲得也
元伯顏入平江○元

元利成和議焉○元伯顏入平江○元

伯顏使囊加反偕柳岳還○**元**董文炳入華亭縣○詔陸秀夫呂師孟如元請平。伯顏不許。時秀夫為宗正少卿○以柳岳洪雷震為祈請使。如**元**以求封。行至高郵。高郵民殺之。陳宜中當國。遭時多難。不能措一策。惟事蒙蔽。以致將士離心。郡邑降破。平日不知兵。張世傑。步將也。使提舟師。劉師勇。水軍將也。使提步卒。用非其才。卒致誤國。至是以求和。

陳宜中
誤國

議不成。乃白太后奉表求封為小國。太后從之。直學士院高應松不肯草表。改命京局官為之。

丙子

二年

五月以後。端宗景炎元年。元世祖至元十三年。

春正月。知嘉興府劉漢傑以城降于**元**。○**元**人克潭州。知州李芾死之。湖南諸郡皆降。元圍潭日久。芾慷慨登陴。與諸將分地而守。民老弱皆出結保。伍助之。不令而集。芾日以忠義勉其將士。死。

李芾守
潭死節

傷相藉。人猶飲血乘城。殊死戰。有來招降者。輒殺之。以徇。阿里海涯督戰益急。與諸將畫地分圍。決隍水以樹梯衝城。中大窘。力不能支。諸將泣請曰。事急矣。吾屬為國死可也。如民何。帝罵曰。國家平時所以厚養汝者。為今日也。汝第死守。有復言者。吾先戮汝。除夕。元兵登城。蟻附而上。知衡州進士尹穀時寓居城中。知事不可為。乃為二子冠。招鄉人行。

進士尹
穀死節
自焚

冠禮。鄉人曰。此何時行此迂闊事。穀曰。正欲令兒曹冠帶見先人于地下耳。既畢禮。與其家人自焚。帝命以酒酹之。因留賓佐會飲。夜傳令猶手書盡忠字為號。飲達旦。諸賓佐出。參議楊震赴園池死。帝坐熊湘閣。召帳下沈忠遺之金曰。吾力竭。分當死。吾家人亦不可辱於俘。汝盡殺之。而後殺我。忠伏地叩頭辭。以不能。帝固命之。忠泣而諾。取酒飲其家。

沈忠自
刎

潭民死守

人盡醉。乃徧刃之。蒂亦引頸受刃。忠縱火焚其居。還家殺其妻子。復至火所大慟。舉身投地。乃自刎。幕僚陳億孫。顏應焱皆死。潭民間之。多舉家自盡。城無虛井。縊林木者相望。元旦守將吳繼明。劉孝忠以城降。阿里海涯傳檄諸郡。由是袁連。衡永。郴全。道桂陽武岡皆降于元矣。○寶慶府降于元。通判曾如驥死之。○陳文龍黃鏞棄位而逃。○以文天祥

文天祥知臨安

知臨安府。○以吳堅為左丞相。兼樞密使。常楙參知政事。○詔劉岳如元請平。陸秀夫還言伯顏不肯從伯姪之稱。太后命用臣禮。陳宜中難之。太后涕泣曰。苟存社稷。稱臣非所較也。遂遣監察御史劉岳奉表稱臣。上尊號。歲貢銀絹二十五萬兩匹。乞存境土。以奉蒸嘗。○元阿剌罕取安吉州。知州趙良淳死之。○以夏士林簽書樞密院事。○常楙夏士

文天祥請封二王以圖興復

林棄位而逃。○進封吉王。是為益王。判福州。信王昺為廣王。判泉州。文天祥乞命二王鎮閩廣。以圖興復。太后從之。以駙馬都尉楊鎮及楊淑妃弟楊亮節提舉益王府事。俞充容弟俞如珪提舉廣王府事。○陳宜中請遷都不果行。○元伯顏帥師次于臯亭山。太皇太后遣使奉璽以降。壬午。伯顏至長安鎮。陳宜中違約不往議事。甲申。伯顏乃進次臯亭。

元人以臯亭山太后使人奉璽降

山。阿剌罕、董文炳之師皆會。遊騎至臨安府北關。文天祥、張世傑請移三宮入海。而已帥眾背城一戰。陳宜中不許。而白太后遣監察御史楊應奎上傳國璽以降。伯顏受之。遣使召陳宜中出議降事。而使囊加歹奉璽表赴上都。以聞。○陳宜中棄位逃歸于温州之清澳。音奧○音郁張世傑、蘇劉義、劉師勇各帥所部兵去臨安入于海。世傑等以不戰而降。

文天祥
拜相往
議和見
執于元
人

遂去。世傑次于定海。元石國英使都統

卞彪說世傑降。世傑斷彪舌。磔作格反裂也

之于巾子山。以死自誓。○以文天祥為

右丞相。兼樞密使。及左丞相吳堅如。

師。元伯顏執天祥于軍中。吳堅還。楊應

奎與元使自臯亭還。言伯顏欲執政。面

議。太后拜天祥右相。與堅往。天祥見伯

顏。乞退軍嘉興。以俟講解。爭辯不屈。伯

顏大怒。群起呵斥。天祥益自奮。不顧。遂

拘留而遣堅還。伯顏遣鎮撫唆都。太常

丞信世昌館伴。夜則以軍圍所寓舍。唆

都從容說天祥曰。大元將興學校。立科

舉。丞相在大宋為狀元宰相。今為大元

宰相無疑。丞相常稱國亡與亡。此男子

心。今天下一統。為大元宰相。豈是易事。

國亡與亡四字。願公勿言。天祥哭而拒

之。○楊鎮等奉益王昺。廣王昺如婺州。

揚淑妃及秀王與擇從行。○以家鉉翁

二王如
婺州

謝枋得
敗績奔
建寧山
中

簽書樞密院事。賈餘慶同簽書樞密院
事。○**元**呂師夔徇江東。知信州謝枋得
迎戰。矢盡而敗。棄家變姓名。遂奔建寧
府之建陽唐石山。○**元**人入信州。鏤榜根
捕。執枋得之妻李氏及二子一女。送江
淮行省。拘于揚州獄中。母夫人以老疾
得免。李氏不屈。死于獄中。惟二子熙之
定之得還。○三月。日中有黑子。大如鵝
卵。相盪久之。○有星闕于中天。一星隕

元人入
臨安封
府庫收
圖籍

○詔諭郡縣降于**元**。伯顏令程鵬飛取
太后手詔諭州郡降附。太后從之。使者
又欲三省樞密院檄執政皆署。家鉉翁
獨不肯。使者命縛之。鉉翁曰。中書無縛
執政之禮。乃止。○**元**伯顏次于湖州市。
遣張惠。阿剌罕。董文炳。石天麟。呂文煥。
楊晦。張弘範。亦只里。忽剌出。唆都。十人
入臨安府。封府庫。收史館禮寺圖書。及
百司符印告敕。罷官府及衛卒。○以吳

堅賈餘慶為左右丞相。謝堂知樞密院事。家鉉翁簽書院事。劉岳同簽書院事。並充祈請使。如元伯顏命乞里歹偕五使及文天祥赴上都。謝堂逃歸。○錢塘江潮三日不至。時元軍分駐江沙上。杭人方幸之。而潮汐不至。○元伯顏使范文虎追益王廣王于婺州。二王走温州。文虎執楊鎮還臨安。初楊鎮得報即還曰。我將就死于彼。以緩追兵。楊亮節等

杭朝三日不至

遂負二王及楊淑妃。徒步匿山中者凡七日。統制張全以兵數十追及王。遂同走温州。居江心寺。○文天祥自鎮江亡入真州。天祥至鎮江。與其客杜澥等十人。夜亡入真州。苗再成出迎。喜且泣曰。兩淮兵足以興復。特二閩少隙。不能合從耳。天祥問計將安出。再成曰。今先約淮西兵趨建康。彼必悉力以扞吾西兵。指揮東諸將以通泰兵攻灣頭。以高

文天祥亡入真州

郵寶應。淮安兵攻揚子橋。以揚兵攻瓜步。吾以舟師直擣鎮江。同日大舉灣頭。揚子橋皆泐。江脆兵。且日夜望我師之至。攻之即下。合攻瓜步之三面。吾自江中一面薄之。雖有智者不能為之謀矣。瓜步既舉。以東兵入京口。西兵入金陵。要其歸路。其大帥可坐致也。天祥大稱善。即以書遺李庭芝。夏貴遣使四出。結約。初天祥未至。真時揚有脫歸兵言元

李庭芝
疑天祥
說降

人密遣一丞相入真州說降矣。庭芝信之以天祥來說降也。使再成。亟殺之。再成不忍。給天祥出相城壘。以制司文示之。閉之門外。久之復遣二路分覘天祥果說降者。即殺之。二路分與天祥語。見其忠義。亦不忍殺。以兵二十人導之。如揚。四鼓抵城下。聞候門者談制置司下令備文丞相甚急。衆相顧吐舌。乃東入海。○文天祥由通州浮海如温州。以求

文天祥
浮海如
温州

伯顏入
臨安

二王。天祥去揚入海道遇元兵。伏環堵中得免。然饑莫能起。從樵者乞得餘糝。羨行入板橋。元兵又至。衆走伏叢篠中。兵入索之。執杜滸。金應以去。滸應以所懷金與卒得逸。二樵者以蕢荷天祥至高郵嵇家莊。嵇聳迎天祥至其家。遣子德潤衛送至泰州。遂由通州汎海去。○三月元伯顏入臨安府。福王與芮自紹興來會之。先是伯顏累召福王。疑不敢

伯顏以
帝及太
后宰執
北去

至。最後使史勝往。王乃行。伯顏自湖州市入城。館于萬松嶺盧原宅。大宴諸將。市不易肆。福王至。伯顏深慰之。太皇太后及帝欲與相見。伯顏固辭曰。但見天子可也。乃止。○元伯顏自臨安北還。丙子。發臨安。命阿荅海張惠阿刺罕董文炳等。遷三宮。期會于瓜步。○帝及皇太后全氏。福王與芮等北去。丁丑。阿荅海等入宮。宣詔免牽羊繫頸之禮。帝拜謝。

太學生
死節

禮畢。與皇太后出宮。太皇太后以疾留
內。福王及度宗母隆國夫人黃氏。并宗
室駙馬都尉楊鎮。知樞密謝堂。簽院高
應松。庶僚三學諸生內侍等皆行。太學
生徐應徯悲驕反與其二男琦。菘。一女
元娘。死之。行省籍三學諸生赴北。太學
生衢州人徐應徯為文祭岳
王。與其子鄉貢士琦。菘。女元娘。三人登
經德齋梯雲樓。縱火自焚。作詩曰。二男
并一女。從我上梯雲。學僕覺之。死過真州。
滅火。應徯遂與三子俱赴井。苗再成謀奪駕。至瓜洲。李庭芝遣姜才

元復名
杭州

出兵邀兩宮。欲劫以入城。皆不克。○元

命董文炳行省事于臨安府。經略閩浙

○夏貴以淮西州縣降于元。○閏月元

改臨安府為杭州。以忙古反為都督鎮

杭州。唆都為元帥鎮婺州。○陳宜中。陸

秀夫等奉益王。是為天下兵馬都元帥。

廣王昺為副元帥。先是陸秀夫。蘇劉義

聞二王在溫州。以兵來會。楊亮節聞陳

宜中在清澳。遣使召之。宜中來謁亮節

二王為
都元帥

秀夫與議興復。乃召張世傑于定海。世傑以所部兵至江心寺。舊有高宗南奔時御座。宜中等乃相帥哭座下。遂奉二王為都帥。以秀王與擇為福建察訪使。先入閩中。撫安吏民。○二王如福州。檄召諸路忠義。同獎王室。是時黃萬石降于元。以元人之兵入福建。招諸郡降。汀建方謀送款。聞二王至。知建寧府趙崇鑑音機幕僚張彭老拒之。知南劍州林起

二王如福州

高應松卒于燕

鰲遣軍逐之。萬石乃走邵武。其將劉俊等多來歸。兵勢稍振。○黃萬石以元兵入邵武軍。○夏四月。簽書樞密院事高應松至燕。不食卒。○五月乙未朔。帝兄益王昰即皇帝位。于福州。遙上帝尊號。為孝恭懿聖皇帝。太皇太后為壽和聖福。至仁太皇太后。皇太后為仁安皇太后。○元人徇鬱林州。廣西提刑鄧得死之。

端宗皇帝

名昞。度宗長子。恭帝之兄。初封益王。元將伯顏

入臨安府。楊淑妃與其弟楊亮節負帝與廣王昞如温州航海

至福州。陳宜中。張世傑等奉帝即位

在位三年

丙子夏五月乙未朔陳宜中張世傑等

端宗即位于福州

奉王即皇帝位于福州。遙上孝恭懿聖

皇帝等尊號。遂尊母度宗淑妃楊氏為

皇太妃同聽政。改元景炎。升福州為

福安府。改福州威武軍為行都之門。

以大都督府為垂拱殿。便廳為延和

以陳宜中張世傑等為

殿。○封廣王昞為衛王。○以陳宜中

相傑等為

為左丞相兼樞密使。都督諸路軍馬

陳文龍。劉黻參知政事

黻音張世傑

為樞密副使。陸秀夫簽書樞密院事

以蘇劉義為殿前都指揮使。王剛中知

福安府事。○召李庭芝為右丞相。姜才

為龍神四廂都指揮使。○詔吳浚趙潛

傅卓李珪翟國秀等分道出師。興復帝

文天祥拜右相

室。○以楊亮節為福建處置使。○文天

祥至自温州。以為右丞相。兼知樞密院事。天祥命呂武招豪傑于江淮。杜澆募兵于温州。○劉黻赴召。卒于羅浮。○元以伯顏同知樞密院事。伯顏用兵。紀律外嚴。而中以不殺為主。故所至降附。或請其入視降城府藏簿帳。以知金穀戶口多寡者。伯顏笑曰。是欲寅緣噬吾民爾。乃下令諸將士。敢有暴掠及入城者。以軍法論。故所過不至大擾。而珎奇未

宋恭帝
至燕封
瀛國公

嘗一有所私。及朝上都。元主勞賜有加。伯顏謝曰。奉陛下成筭。阿朮效力。臣何功之有。○閏三月。孝恭懿聖皇帝至。元上都。元主封帝為瀛國公。尋為僧。號合尊大師。皇太后全氏亦為尼於正智寺。○六月。元人入廣州。推軍將黃俊死之。○吳浚復南豐。宜黃。寧都等縣。○翟國秀復秀山縣。元兵至。遂還。○傅卓與元人戰于衢信州。敗績。遂降于元。○詔文

文天祥
開督府
南劍州

天祥同都督諸路軍馬。秋七月。文天祥開府南劍州。經略江西。遂復邵武軍。黃萬石敗走。時天祥與陳宜中議不合。乃求出督至南劍。募兵得數千。遂復邵武。○**元**阿里海涯入嚴關。廣海州縣多降之。○揚州守將朱煥以城叛降。**元**右丞相李庭芝指揮使姜才死之。淮東州縣皆降元。時阿朮圍揚。庭芝守禦益力。及臨安既降。阿朮以太皇太后手詔諭

降。庭芝登城謂使者曰。奉詔守城。未聞以詔諭降也。及帝次瓜州。太皇太后復賜庭芝詔曰。比詔卿納款。日久未報。豈未悉吾意。尚欲固禦耶。今吾與嗣君既已臣伏。卿尚為誰守之。庭芝不答。命發弩射之。一使斃。餘皆奔去。及夏。貴以淮西降。阿朮謂諸將曰。今宋已亡。庭芝未下。以外助猶多。故也。若絕聲援。塞餉道。尚恐東走通泰。假息江淮。乃柵揚之西。

文天祥
開督府
南劍州

天祥同都督諸路軍馬。秋七月。文天祥開府南劍州。經略江西。遂復邵武軍。黃萬石敗走。時天祥與陳宜中議不合。乃求出督至南劍。募兵得數千。遂復邵武。○**元**阿里海涯入嚴關。廣海州縣多降之。○揚州守將朱煥以城叛降。○**元**右丞相李庭芝指揮使姜才死之。淮東州縣皆降元。時阿朮圍揚久。庭芝守禦益力。及臨安既降。阿朮以太皇太后手詔諭

降。庭芝登城謂使者曰。奉詔守城。未聞以詔諭降也。及帝次瓜州。太皇太后復賜庭芝詔曰。比詔卿納款。日久未報。豈未悉吾意。尚欲固禦耶。今吾與嗣君既已臣伏。卿尚為誰守之。庭芝不答。命發弩射之。一使斃。餘皆奔去。及夏。貴以淮西降。阿朮謂諸將曰。今宋已亡。庭芝未下。以外助猶多故也。若絕聲援。塞餉道。尚恐東走通泰。假息江淮。乃柵揚之西。

李庭芝
姜才死
節

元主赦庭芝焚詔殺使之罪。令早歸款。庭芝不納。及福州使至。庭芝乃命制置副使朱煥守揚城。而自與姜才將兵七千趨泰州。將東入海。庭芝既行。煥即以城降。阿木帥兵追庭芝及之。殺步卒千餘。庭芝走入泰州。阿木圍之。且驅庭芝妻子至。陴下招降。會姜才疽發背不能戰。泰州守將孫貴。胡惟孝開北門納元兵。庭芝赴蓮池中。水淺不死。遂與姜才

苗再成
死之

俱就執。至揚州。阿木責其不降。才曰。不降者我也。憤罵不已。然猶未忍殺之。朱煥請曰。揚自用兵以來。積骸滿野。皆庭芝與才所為。不殺之何俟。阿木乃皆殺之。於是揚民間者莫不泣下。○元人克真州。守將苗再成死之。○八月。漳州亂。以陳文龍為閩廣宣撫使討之。○秀王與樺圍婺州。元董文炳援之。王乃還。○以王積翁為福

建招捕使知南刃州黃恠為同招捕使

知漳州積翁備禦上三州○吳浚及

元李恒戰于兜零敗績○太皇太后

謝氏赴**元**大都先是太皇以病久留

臨安至是元人自宮中舁其牀以出

侍衛者七十人遂赴燕降封壽春郡

夫人留燕七年而終○九月以陳文

龍知興化軍○東莞民熊飛以兵會

趙潛復韶廣州○**元**也的迷失會師

太皇太后謝氏赴燕

文天祥次汀州

于福州○**元**呂師夔張榮實帥師度

梅嶺○**元**阿里海涯圍靖江府○冬

十月文天祥帥師次于汀州天祥遣

趙時賞趙孟滌將一軍趨贛以取寧

都遣吳浚將一軍取雩都劉洙蕭明

哲陳子敬皆自江西起兵來會鄒瀉

與**元**人戰于寧都敗死武岡教授羅

開禮起兵復永豐縣亦死天祥為製

服哭焉○趙潛使熊飛曾逢龍及**元**

秀王敗績死之

人戰于南雄。敗績。逢龍死之。飛奔韶

州。元人圍韶州。守將劉自立以城降。

飛死之。十一月元阿刺罕董文炳

徇慶州。李珏以城降。秀王與擇迎戰

于瑞安府。敗績死之。知府方洪以城

降。元阿刺罕董文炳入建寧府。知

邵武軍趙時賞。知南劍州王積翁棄

城走。元陳宜中。張世傑奉帝入于海

元阿刺罕侵福安。知府王剛中以

城降。帝舟居于泉州港。蒲壽庚作

亂。帝遷于潮州。招撫使蒲壽庚來謁。請駐蹕。張世傑不可。

初壽庚提舉市舶。擅舶利者三十年。或勸世傑留壽庚不遣。則凡海舶不令自

隨。世傑不從。縱之歸。繼而舟不足。乃掠其舟并沒其貲。壽庚怒。殺諸宗室。及士

大夫與淮兵之在泉者。十二月趙潛

棄廣州。蒲壽庚及知泉州田真子以

城降于元。元興化守將曹澄孫以城降

于元。知軍事陳文龍死之。初文龍被執。欲

降之。文龍指其腹曰。此皆節義文章也。

陳文龍死節

姚樞仁
恕恭敬

可相逼耶。卒不屈。乃械送杭州。文龍不食死。○張珏入重慶府。○**元**以姚樞為翰林學士承旨。時宋侍從之臣及士子至上都。皆令先見樞。詢其學行而官之。樞仁恕恭敬。未嘗疑人之欺。凡有與謀者必忠告。惟恐其言之不盡。由是人莫不敬之。○**元**阿里海涯克靖江府。守將馬堅死之。

丁丑景炎二年元世祖至元十四年春正月。帝

文天祥
復梅州

在惠州之甲子門。○**元**阿剌罕入汀州。文天祥奔漳州。○二月**元**改福安府為福州。以潛說友為宣慰使。王積翁為副使以守之。○**元**人徇廣州。縣人趙若岡以城降。廣東諸郡皆降之。○吳浚降于**元**。文天祥誅之。元兵至瑞金。浚降之。因為元人至漳州。說天祥降。天祥責以大義。乃縊殺之。○三月。文天祥復梅州。

○李雄殺潛說友。○陳瓚起兵復興化軍。瓚。文龍從子也。○夏。四月。文天祥復

真宰相

元廉希憲卒

興國縣○廣東制置使張鎮孫復廣州。梁雄飛出走○五月。文天祥自梅州出江西。遂復會昌縣。吉贛趙時賞等兵皆會之○張世傑復潮州○**元**立門下省○**元**中書平章政事廉希憲卒。希憲在江陵。遠近向化。及有疾。召還。民皆垂涕擁送。建祠繪像以祠之。卒。元主歎曰。無復有決大事如廉希憲者矣。伯顏亦曰。廉公宰相中真宰相。男子中真男子。世

以為名言○六月。文天祥敗**元**人于雩都。遂次于興國縣○秋。七月。文天祥使趙時賞帥師復吉贛諸縣。遂圍贛州○思州安撫使田景賢播州安撫使楊邦憲降于**元**○帝舟遷于潮州之淺灣○張世傑會師討泉州蒲壽庚。遂圍之○張世傑使高日新復邵武軍○王積翁殺淮兵于福安府。淮兵在福州者謀殺積翁以應張世傑。事覺。被殺

元人襲
文天祥
趙時賞
等皆死
節

○李恒襲文天祥于興國縣。八月。天祥出走。師潰于空院。趙時賞等皆死之。天祥入于循州。先是李恒遣兵援贛。而自將攻天祥。天祥不意恒猝至。乃引兵走。即鄒瀉于永豐。瀉兵先潰。恒窮追天祥。天祥至方石嶺。恒及之。鞏信拒戰。箭被體而死。天祥至空院。兵盡潰。天祥妻歐陽氏。男佛生。環生。及二女。皆見執。趙時賞坐肩輿後。元人問為誰。時賞

天祥將
佐皆死

曰。我姓文。衆以為天祥。擒之。天祥由是得挺身與其長子道生。及杜沂。鄒瀉。乘騎逸去。遂奔循州。散兵頗集。乃屯于南嶺。幕僚客將皆被執。時賞至。隆興。奮罵不屈。有係累至者。輒麾去。云。小小簽廳官耳。執之何為。得脫者甚衆。臨刑。劉洙頗自辨。時賞叱曰。死耳。何必然。於是將佐幕屬被執者皆死。而天祥妻子家屬送于燕。二子死。

于道○九月元峻都援泉州張世傑帥師還淺灣○元也的迷失復取邵武軍遂入福州○元也速及兒復圍重慶府○冬十月元峻都入興化軍屠其民陳瓚死之○瀘州降于元知州王世昌死之○十一月元塔出圍廣州制置使張鎮孫以城降○元劉深以舟師襲淺灣帝舟遷于秀山陳宜中如占

帝舟遷于謝女峽

城遂不復後死于暹○十二月帝舟遷于井澳颶風作帝有疾○元劉深來襲井澳執俞如珪以去帝舟遷于謝女峽

○安南國王陳光昺卒子日烜立安南自其

國王李乾德卒於紹興子陽煥立陽煥卒子天祚立天祚卒於淳熙子龍翰立

龍翰卒於嘉定子昺立當龍翰時有

閩人陳京入其國得政為國婿京子承

再世執其國柄及昺時承奪其國傳

子威冕理宗受其貢而封之威冕傳子日照宋亡乃改名日烜奉貢于元○翰音札昺丑咸反烜玄淺反光昺即威冕也
○羅施鬼國降于元○元納速刺丁

伐緬。先是元遣乞台脫因徵緬朝貢不從。而率衆數萬象八百馬萬匹。侵擾永昌雲南行省。遣元帥納速刺丁伐之。降其砦三百餘。以天熱還師。

戊寅

景炎三年

五月。帝昺祥興元年。元世祖至元十五年。

春正月。帝在謝女峽。○張世傑遣師討雷州。不克。○二月。元咬都克潮州。屠其民。知州馬發死之。○元克重慶府。制置副使張珏死之。○三月。文天祥會兵次

元遣將
收閩廣

于麗江浦。天祥以母及弟壁在惠州。乃趨之行。收兵出海豐縣。○元以張弘範為都元帥。李恒副之。帥師入閩廣。元主賜弘範寶劔。專決軍事。以攻宋帝于廣南。弘範薦李恒自副。從之。弘範至揚州。選將校發水陸之師二萬分道而南。以弟弘正為先鋒。戒之曰。汝以驍勇見選。非私汝也。軍法重。我不敢以私撓公。汝其慎之。故所向克捷焉。○凌震復廣州。

端宗崩

○帝舟遷于碭洲○曾淵子至自雷州。以為參知政事。廣西宣諭使○**元**遣使至杭州等處。取在官書籍版刻。赴大都。○夏四月。帝崩于碭洲。時年十一。是月戊辰也。庚午。弟衛王立。是為帝昺。

帝昺

名昺。度宗之末子。端宗之弟。初封廣王。端宗崩。遂即位。于

碭洲。又遷于碭洲。之。崖。山。張。世。傑。等。戰。敗。丞。相。陸。秀。夫。抱。帝。沈。于。崖。山。之。海。忠。義。之。士。溺。死。數。萬。焉。

在位二年 宋亡

帝昺即位

戊寅夏五月癸未朔。帝即位于碭洲。皇

太后楊氏同聽政。適有黃龍見海中。改

元祥興。升碭洲為翔龍縣。先是端宗既

崩。群臣多欲散去。陸秀夫曰。度宗皇帝

一子尚在。將焉置之。古人有以一旅一

成中興者。今百官有司。皆具士卒數萬

天若未欲絕宋。此豈不可為國耶。庚午

乃與眾共立帝。時年八歲矣。○以陸秀

夫為左丞相。兼樞密使。時播越海濱。庶

陸秀夫
正笏立
朝

事踈略。揚太后垂簾與群臣語。猶自稱
奴。每時節朝會。獨秀夫儼然正笏立。如
治朝。或在行中。悽然泣下。以朝衣拭淚。
衣盡濕。左右無不悲慟者。及拜首相。與
張世傑共秉政。外籌軍旅。內調工役。凡
有所述作。皆出其手。雖忽遽流離中。猶
日書大學章句以勸講。○六月。帝舟遷
于新會之厓山。初。張世傑以碇洲不可
居。而厓山在海中。去潮廣各四百餘里。

帝遷于
厓山

兩山相對。勢頗寬廣。中有一港。其口如
門。可以藏舟。世傑以為形勝之地。乃奉
帝移駐焉。遂造行宮。遣人入山伐木。造
軍屋千間。行宮正殿曰慈元。揚太后居
之。升廣州為祥興府。時官民兵尚二十
餘萬。多居于舟。資糧取辦于廣右諸郡。
復刷人匠造舟楫。製器仗民不能堪。始
有離叛之志。○有大星南流。墮海中。小
星千餘隨之。聲如雷。數刻乃已。○秋。八

有星墜
于海

月。加文天祥少保。封信國公。初天祥入船澳。聞帝即位。上表自劾。敗于江西之罪。乞入朝。不許。而加封。會軍中大疫。士卒多死。天祥子道生復亡。家屬皆盡。○冬十一月。元阿里海涯次于白沙口。海南州縣皆降。○閏月。凌震棄廣州。出走。城降于元。潮惠遂降。○以姚良臣為右丞相。夏士林參知政事。王德同知樞密院事。○元以許衡為集賢大學士。兼領

太史院事。董測驗郭守敬言曆之本在於測驗。而測驗之器莫先儀表。乃作簡儀候極儀。渾天象玲瓏儀。仰儀。立渾儀。證理儀。景符。闕凡日月食儀。星晷。定時儀等器。○合州守將王立以城降于元。○元張弘範襲執文天祥于五坡嶺。初天祥屯潮陽。鄒鳳。劉子俊皆集師會之。遂討盜陳懿。劉興于潮。興死。懿遁。導張弘範兵濟潮陽。天祥力不支。帥其麾下走海。

張弘範
襲文天
祥執之

豐。張弘正追之。天祥方飯五坡嶺。弘正兵突至。衆不及戰。皆頓首伏草莽。天祥倉皇出走。千戶王惟義執之。天祥吞腦子不死。鄒瀉自剄。劉子俊自詭為天祥。冀可免。天祥及執。天祥至。各爭真偽。元人遂烹子俊而執天祥。至潮陽。見弘範。左右命之拜。天祥不屈。弘範釋其縛。以客禮見之。天祥固請死。弘範不許。或謂弘範曰。敵人之相。不可測也。不宜近之。

弘範曰。彼忠義也。保無他。求族屬被俘者悉還之。處之舟中。以自從。元阿里海涯自海南還師上都。所下荆南之州十四。淮西之州四。湖南江西之州十一。廣西之州二十一。廣東海南之州八。凡五十八州。其餘峒夷山僚受縻聽令者無慮數十所。可謂茂功矣。其僚屬裨佐後登宰輔者三十七人。蓋能推揚獎拔以成之也。元詔封

伯夷為昭義清惠公。叔齊為崇義仁惠公。

巳卯祥興二年

元世祖至元十六年

○春正月。帝

在厓山。○**元**張弘範襲厓山。張世傑力

元人襲厓山

戰禦之。二月甲申。師大潰。帝崩。左丞相

陸秀夫死之。宋亡。正月庚戌。弘範由潮

陽港乘舟入海道。獲斥候將。乃知帝所

在。辛酉。弘範至厓山。或謂張世傑曰。北

兵以舟師塞海口。則我不能進退。盍先

據之。幸而勝。國之福也。不勝猶可西走。

世傑恐久在海中。士卒離心。動則必散。

乃曰。頻年航海。何時已乎。今須與決勝

負。遂悉焚行朝草市。結大船千餘。作一

字陣。碇海中。中艫外舳。貫以大索。四周起

樓棚。如城堞。奉帝居其間。為死計。人皆

危之。厓山兩門如對立。其北淺。舟膠不

可進。**元**人由山東轉而南。入大洋。與世

傑之師相遇。薄之。且出騎兵斷宋師汲

張世傑力戰元人

天祥忠
義形於
詩

路。宋舟堅不能動。元人以舟載茅茨沃
以膏脂。乘風縱火焚之。宋艦皆塗泥。縛
長木以拒火。舟不能焚。弘範無如之。何
時世傑有甥韓在元師中。弘範三使韓
至。宋師招世傑。世傑不從。曰。吾知降。生
且富貴。但義不可移耳。因歷數古忠臣
以答之。弘範乃命文天祥為書招世傑。
天祥曰。吾不能扞父母。乃教人叛父母
可乎。固命之。天祥遂書所過零丁洋

元人招
厓山士
民不從

詩與之。末云。人生自古誰無死。留取
丹心照汗青。弘範笑而置之。元弘範
復遣人語厓山士民曰。汝陳丞相已去。
文丞相已執。汝復欲何為。士民亦無叛
者。弘範又以舟師據海口。宋師樵汲道
絕。兵士茹乾糧十餘日。而大渴。乃下掬
海水飲之。水鹹。飲即嘔泄。兵士大困。世
傑帥蘇劉義方興等。旦夕大戰甲戌。元
李恒自廣州以師來會。弘範命恒守厓山。

北面。二月戊寅朔。都統張達夜襲元敗
還。癸未元人進薄世傑之舟。或請以砲
攻之。弘範曰。火起則舟散。不如戰也。甲
申。弘範四分其軍。自將一軍相去里許。
令諸將曰。宋舟西艤厓山。潮至必東遁。
急攻之。勿令得去。聞吾樂作乃戰。違令
者斬。先麾北面一軍乘早潮而戰。世傑
敗之。李恒等順潮退師。午潮上元師樂
作。宋師以為且懈不設備。弘範以舟犯

元人樂
作襲宋
印

其前。南師繼之。宋師南北受敵。兵士皆
疲。不能復戰。俄有一舟檣旗仆。諸舟之
檣旗皆仆。世傑知事去。乃抽精兵入中
軍。諸軍大潰。翟國秀、劉俊等皆降。元師
薄宋中軍。會日暮風雨。昏霧四塞。咫尺
不相辨。世傑乃與蘇、劉、義斷維。以十六
舟奪港而去。陸秀夫走帝舟。帝舟大。且
諸舟環結。度不得出走。乃先驅其妻子
入海。即負帝同溺。後宮諸臣從死者甚

帝崩陸
秀夫死
之

張世傑
死之

衆餘舟尚八百。盡為^元人所得。越七日。屍浮海上者十餘萬人。因得帝屍。及詔書之寶。○皇太妃楊氏崩。太傅樞密副使張世傑死之。初世傑復還厓山。收兵。遇楊太妃。欲奉以求趙氏。後而復立之。楊太妃始聞帝崩。撫膺大慟。曰。我忍死艱關至此者。正為趙氏一塊肉耳。今無望矣。遂赴海死。世傑葬之海濱。世傑將趨安南。至平章山下。遇颶風大作。舟人

欲艤向岸。世傑曰。無以為也。為我取瓣香來。至則仰天呼曰。我為趙氏亦已至矣。一君亡。復立一君。今又亡。我未死者。庶幾敵兵退。別立趙氏以存祀耳。今若此。豈天意耶。若天不欲我復存。趙祀則大風覆我舟。舟遂覆。世傑溺焉。

南宋自高宗建炎元年。至帝昺祥興

二年。共一百五十二年而亡。

右宋太祖起建隆庚申。至帝昺祥興

已卯。通計三百二十年。

呂氏中曰宋得天下也以仁。而國勢

常病於不振。孝宗自謂我朝家法遠過漢唐。惟用兵一事不及耳。蘇洵論勢亦謂惠褻而威不振。賞數而加於無功。敗軍之罰不加嚴。弱勢浸淫。其來非一日。然渡江以來。君無失德。度宗嗣位。拱手仰成。一國之事。權姦賈似道實專之。度宗崩。太皇太后與一

家法過
漢唐

二幼君。不過建空名於六服之上耳。豈不痛哉。

宋史講義曰宋亡節義之臣。丞相文

天祥。湖南安撫李芾。池州通判趙卯發。揚州都統姜才。真州守苗再成。常州統制王安節。湖北提刑張起岩。安吉守趙良淳。無為守趙淮。淮東制置李庭芝。刺史趙孟壘。常州守姚訔。參政陳文龍。將軍張世傑。丞相陸秀夫。

論節義
章著者

察訪趙與擇。興化守陳瓚。潮州守馬
發。江東制置謝枋得。信州守唐震等
皆其章章者。其餘尚多有之。當姦臣
似道柄國時。最忌文李二公。擯不容
於朝。及丙子之變。朝臣或降或遁。而
節義最著二公也。蘇軾有云。平居無
犯顏敢諫之士。臨難必無伏節死義
之臣。豈不信哉。

資治通鑑節要續編卷之二十六

蘇軾

